

საქართველოს საკატრიარქოს წმინდა თამარ მეფის უნივერსიტეტი

სსიპ - ბათუმის ხელოვნების სასწავლო უნივერსიტეტი

## ურთიერთთანამშრომლობის მემორანდუმი

ქ. ბათუმი

11 ოქტომბერი, 2013 წელი

### პრეამბულა

საქართველოში უმაღლესი განათლებისა და მეცნიერების სფეროში მიმდინარე რეფორმების ძირითადი პრინციპების, აკადემიური პროგრამების ხარისხის ამაღლებისა და დაახლოების პრაქტიკული განხორციელების მიზნით სსიპ - ბათუმის ხელოვნების სასწავლო უნივერსიტეტი და საქართველოს საკატრიარქოს წმინდა თამარ მეფის უნივერსიტეტი თანხმდებიან თანამშრომლობაზე სასწავლო-შემოქმედებით და სამეცნიერო-კვლევით საკითხებში.

ურთიერთთანამშრომლობა ხელს შეუწყობს:

- აკადემიური განათლების შემოქმედებითი და სამეცნიერო კვლევისათვის აუცილებელი მატერიალურ-ტექნიკური რესურსების ეფექტურად გამოყენებას;
- აკადემიური პროგრამების თავსებადობას კურიკულუმის კონსტრუირების, სწავლის შედეგებისა და კომპეტენციების ჩარჩოს ფარგლებში;
- სასწავლო-შემოქმედებითი ბაზების ერთიანი ქსელის შექმნას;
- საშემსრულებლო და თეორიული მიმართულების სპეციალისტთა მიერ კონსულტაციების, მასტერკლასებისა და სხვა სასწავლო-შემოქმედებითი მუშაობის ჩატარებას;
- პროფესიული დონის ამაღლებაში, სამაგისტრო ნაშრომების ხარისხის გაზრდაში და საერთაშორისო სივრცეში ინტეგრაციისათვის ხელშეწყობას;
- ცალკეულ მიმართულებებში ერთობლივი საგანმანათლებლო პროგრამების მომზადებასა და განხორციელებას.



## მუხლი 1

- 1.1. მხარეები ორმხრივი ინტერესების შესაბამისად აწარმოებენ შეთანხმებულ პოლიტიკას განათლების, კვლევის, შემოქმედებითი პროექტების დაგეგმვისა და აუცილებელი რესურსების მოზიდვისათვის.
- 1.2. თითოეული მხარის მატერიალურ-ტექნიკურ რესურსებს უნივერსიტეტების პროფესორები და სასწავლო-შემოქმედებით პროექტებში ჩართული სტუდენტები გამოიყენებენ უსასყიდლოდ.
- 1.3. მხარეები გაუწევენ ერთმანეთს კონსულტაციებს და განახორციელებენ ერთობლივ სასწავლო-შემოქმედებით პროექტებს.
- 1.4. მონაწილეობას მიიღებენ ჰუმანიტარული მიმართულების სამაგისტრო ნაშრომების ექსპერტიზაში.
- 1.5. საკუთარი კომპეტენციების ფარგლებში უზრუნველყოფენ პროფესორ-მასწავლებელთა და თანამშრომლებისათვის სემინარების ჩატარებას ახალი საგანმანათლებლო პროგრამების მომზადების მეთოდის საკითხებზე.
- 1.6. განახორციელებენ ერთობლივ სამეცნიერო სემინარებს, კონფერენციებს, ფესტივალებს, საკონცერტო წარმოდგენებს, სხვა შემოქმედებით პროექტებს.
- 1.7. უზრუნველყოფენ ბიბლიოთეკებით სარგებლობის ხელმისაწვდომობას.

## მუხლი 2

- 2.1. წინამდებარე შეთანხმებაში თითოეულ მხარეს შეუძლია ცვლილებებისა და დამატებების შეთავაზება ურთიერთშეთანხმების საფუძველზე.
- 2.2. მხარეთა შორის ურთიერთობათა სპეციფიკა, რომელიც არაა განსაზღვრული მემორანდუმში, რეგულირდება ორმხრივი შეთანხმებით.
- 2.3. მხარეები აძლევენ ერთმანეთს გარანტიას, რომ ისინი უპირობოდ, სრულად და კეთილსინდისიერად შეასრულებენ წინამდებარე ხელშეკრულებით გათვალისწინებული ყველა პირობას.

## მუხლი 3

- 3.1. წინამდებარე მემორანდუმის შესრულებასთან დაკავშირებული სადავო საკითხები გადაიჭრება კონსულტაციების და მოლაპარაკების გზით.
- 3.2. ეს მემორანდუმი ძალაში შედის მხარეთა მიერ მისი ხელმოწერის დღიდან და მოქმედებს მხარეთა მიერ რაიმე სხვა გადაწყვეტილების მიღებამდე.
- 3.3. ურთიერთთანამშრომლობის მემორანდუმი შედგენილია თანაბარი იურიდიული ძალის მქონე ორ ეგზემპლარად, რომელთა თითო პირი გადაეცემა მხარეებს.

საქართველოს საპატრიარქოს წმინდა თამარ მეფის  
უნივერსიტეტის რექტორი, არქიმანდრიტი

სსიპ - ბათუმის ხელოვნების სასწავლო  
უნივერსიტეტის რექტორი, პროფესორი

თბილისი, დიმიტრი უზნაძის ქ. № 68  
ტელ: 210-23-15; 210-23-14  
ელ. ფოსტა: info@king-tamar.net  
ვებ-გვერდი: www.king-tamar.net

ბათუმი, ლუკა ასათიანის ქ. № 37  
ტელ: 593325796; 279895  
ელ. ფოსტა: info@batu.edu.ge  
ვებ-გვერდი: www.batu.edu.ge

